

**Inatsisartut inatsisaat nr. 19, 30. oktober 1992-meersumi, Inatsisartullu inatsisaanni nr. 23, 18. november 2019-mi allanngortinneqarsimasoq, siunertaavorlu sukkulaanut, allanullu sukkulaartalinnut (kakaaviunngitsaq), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuvaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut**  
(Inatsisartunut ilaasortaq Aqqalu C Jerimiassen)

### **Akissuteqaat**

(Aningaasaqarnermut Akileraartarnermullu Naalakkersuisoq)

### **Aappassaaneerinnineq**

Naalakkersuisut Aningaasaqarnermut Akileraartarnermullu Ataatsimiititaliaq isumaliutissiissutaanut qujassuteqarfigaat, ataatsimiititaliamilu amerlanerussuteqartut Naalakkersuisut allannguutissatut siunnersuutaat taperseraat Naalakkersuisut paasivaat.

Mamakujuttunut sukkulaanillu nioqqutissianut tunngatillugu akitsuutip, akit, atuinerup peqqissutsillu ataqatigiinneranik misissuinissamik ataatsimiititaliaq Naalakkersuisunut kaammattuivoq.

Kaammattuutit taakku akileraartarnermut akitsuusiisarnermullu isumaqatigiissummi aaqqissuusseqqinnermut siunnerfimmik 4-mik sulinermut ilanngunneqarnissaat Naalakkersuisut pissusissamissoortutut isigaat.

Tamanna tunuliaqutaralugu siunnersuutip siullermeerneqarnerani allannguutissatut siunnersuutitut saqqummiunneqartup akuerineqarnissaa Naalakkersuisut inassutigaat.